

BOULEVARD

Afl. 3,00

ESTABLECI 1976
OCTOBER 1992

Hildward Croes y Gloria Vega

Nos amor
ta
oficial



Checkpoint
Color

SUPERSTATION 90 FM
MAKES YOU HAPPY



Hildward Croes y Gloria Vega

"Nos Amor pa Otro ta Oficial"


Cu un sonrisa preciosa brillando ariba su cara, Gloria Vega, a ricibi Revista Boulevard" na su cas. Gloria Vega no ta un persona desconoci na Aruba. Den varios actividad e la demostra su talento cu exito. Y kende no por corda, con Gloria Vega conhuntamente cu e grupo musical "Crystal" como cantante y bailarina, den e show "Sabado Sensacional" a sabi di causa furor cu su actuacion cual show a ser transmiti pa varios parti di mundo pa "Venevision". Actualmente Gloria ta formando parti di e banda musical "Oreo" como cantante bou direccion di Claudio Philips. Un cantidad di trofeo cu e la logra conquista durante su carrera artistica tabata forma e preciosidad di su cas. Ariba e sofa den e sala, E Principe Arubiano, Hildward Croes, tabata relaha su mes disfrutando di un novela cu tabata hungando na un di e canalnan di Venezuela. Hildward Croes a lanta for di e sofa pa duna su saludo y despues a kita e zonido di e television.

Gloria Vega riparando e atencion, cu mi tin pa tur e trofeonan y



premionan cu e la conquista como cantante, compositor, bailarina y modelo cu un voz orgulloso a bisa lo siguiente den mi direccion: "Tur esakinan mi a logra gana for di dia cu mi a cumenza bira activo ariba tereno artistica. Nan ta mi orgullo," Gloria a bisa mirando den direccion di Hildward, mientras cu mi a tuma lugar den un stul cara pa e television. "Pero si, tur mi exito, mi tin di gradici esaki na Hildward. No ta un mentira, pero Hildward ta un ehemplo grandi pa mi carrera. No ta berdad Hildward?" Gloria a bisa mientras cu e la coi e garganta di Hildward tene y a pone su labiosnan corra ariba cara di Hildward, y a

recompensa su persona cu un sunchi fuerte. Un sunchi consistiendo di e idioma amor. Gloria kende tabata sinta ariba e sofa banda di Hildward tabata luci igual cu un flor den rayonnan di solo. "Bo sa," Gloria a bisa, "si mi mester tende Hildward papia di su musica, mi ta yena di inspiracion pa scirbi cancion y tambe pa canta. Mi ta sinti mi hopi orgulloso mes di tin Hildward como mi mucha homber. E ta mi tesoro," Gloria a bisa mientras cu e la pone su man robaz den e man derecho di Hildward na unda nan dedenan a



INVENCIBLE

Tira bista pa

e

Leon di Oro

JOYERIA

OLGA

VASQUEZ

Oranjestraat 26 Tel.: 22023

cuminza caricia otro. Un caricia di un amor cu ta floreciendo. Pa un momento Gloria a mantene un silencio y despues a bisa lo siguiente: "Bo sa, pa mi ser franco, tur loque ta felicidad pa Hildward, ta ser acepta cu mil amor pa mi corazon." Pa un momento Hildward cu un hari chiquito ariba su cara, a dirigi su miradanan den e wowonan bunita di Gloria y despues a bisa lo siguiente: "Mi ta haya esaki un cumplimento grandi pa tende esaki di Gloria. Pasobra enverdad, Gloria ta e mucha muher, cu mas den e mundo aki tin un nificacion pa mi corazon." Na e momento ey un brommer cu tabata pasando a produci un desordo pasando ariba e voz di Hildward. Ariba e pantalla di television un pareha enamora tabata discutiendo cu otro.

Boulevard: "Pero un bida artistico tin su obligatorio pa cumpli y esaki no por trece dificultad den boso caminda di amor?"

"Awel," Gloria a contesta, "bo tin razon. Pero ariba esey nos a pensa caba y despues unda cu nos bai, nos mester ta hunto. Pasobra nos tin planifica, pa den futuro nos lo traha hunto. Pero si," Gloria a bisa aserca, "promer cu esey nos mester ta uni pa semper. Bo por comprende mi?" Hildward pa un momento a wanta su rosea aden y despues a bisa: "Gloria tin razon. Ta posible cu den futuro nos lo traha cu otro. Y mi no ta mira pakico no por! Pasobra bo tin cu

comprende, cu nos conoce otro caba, promer cu mi a cuminza traha cu "Wilfrido Vargas" como artista profesional, pa despues traha cu 4.40 cual actualmente ta un di e bandanan latino mas popular casi mundo completo. Y si bo por comprende bon, ta hopi sacrificio mi persona y Gloria mester haci, pa hopi vez nos ta leu for di otro. Anto ya esaki ta nificacion di e comprencion cu nos amor pa otro ta berdadero." Gloria na e momento ey tabata scucha cu tur su atencion na e palabranan cu ta ser produci pa Hildward. Su cabeinan preto manera un nubia tabata cubri su cara limpi y bunita. "Hildward tin razon," Gloria a bisa mientras cu su labiosnan a forma un sonrisa bunita ariba su cara.

"Con mi a sera conoci cu Hildward? Esaki a bai di e forma aki," Gloria a contesta, "mi a sera conoci cu Hildward durante un grabacion di un jingle cu nos mester a graba. Aunque cu e dia ey, nos no



Gloria Vega y Hildward Croes a confirma nan palabra haci na "Revista Boulevard". Ariba e fecha 19 September 1992, Hildward Croes a pasa un reenchi na dedenan di Gloria Vega, declarando asina nan amor pa otro oficialmente. Nos palabra di felicitacion pa Gloria y Hildward y cu pronto nan lo ser bendiciona ariba altar como un pareha feliz

ta tin intercambio di palabra serio cu otro, sinembargo, mi corazon a duna mi e mensahe, cu Hildward lo ser mi cielo pa mi ariba e mundo aki. Pero e mensahe aki a bin haya su razon, ora cu ariba 27 Januari 1989, mi

Heineken®

MERCURIUS TRADING CO.
FERGUSONSTRAAT 116 - TEL.: 22345 - 21470

mester a haci un ensayo pa canta den Carnaval infantil. Mihor bisa, cu mi ta considera esaki, como un amor den promer mirada. Y te awe nos dos ta hunto. Hildward ta e principe di mi corazon," Gloria hariendo di un forma bunita a bisa. Ariba cara di Hildward tambe a aparece un hari. Un hari cubri cu felicidad pa e admiracion cu e la haya serca e mucha muher, cu tanto tin su alma den tentacion. "Laga nos ser franco," Hildward a cai den e combersacion, "Gloria ainda ta studiando pa "Comunicacion Social", y mi ta desea for di mi corazon, pa Gloria por termina su estudio pa e por sigui desarolla. Y ora ta asina leu, lo yega cierto momento cu nos lo prepara pa uni cu otro oficialmente. Pero si," Hildward a sigui bisa, "mi mes ta pensando den e direccion pa un tempo retira for di e bida artistico. E ta algo hopi cansable pa tur ora mester subi avion, y haci viahanan largo y drumi den diferente hotel. Pero naturalmente, cu nos por residencia tambe den exterior of traha na Aruba mes. Y e ora ey nos por biba hunto pa asina nos tin un bida mas familiar. Bo por comprende kico mi kier meen? E mercado na Aruba pa un bida artistico ainda ta poco chiquito, Hildward a bisa dirigiendo su mes den mi direccion.



E discoteque cu ta
move di cas pa cas
y cu ta laga bo move
semper bai y cu su
efectonan di luz,
sublime.

JUAN CARLOS HILL

Boulevard: "Y kico Gloria ta desea pa cambia di Hildward su persona?" "Con?" Gloria a reaciona pa despues bisa liher aserca: "Awel, su puntualidad! Esey ta laga hopi di desea," Gloria cu un tono halto y un hari a bisa. Hildward na e momento ey a cumenza hari. "No hari!" Gloria dirigiendo su mes na Hildward cu un mitar hari ariba su cara a bisa. Un hari cu ta pertenece na e mundo di amor. Hildward na e momento ey a cumenza hari mas duro ainda, mientras cu e la dal cu su dos mannan ariba su rodilla, di tanto pret cu e tin. Un contesta di Gloria cu a ser contesta sorprendamente pa Hildward. E no a spera esey di Gloria. Na e momento ey e telefon den sala a resona. Gloria a lanta for di e sofa pa bai na e telefon cual ta kedando na un muraya cu ta dorna

cu diferente
potret grandi di
G l o r i a .

Hildward a
provecha for di e
ausencia di
Gloria y a bisa lo
siguiente cu un
hari chiquito
ariba su cara:
"Ah, mi no por
yuda, talvez ta
pesey mi ta
Croes." Pero
m u c h o
Hildward no por
a bisa mas.

Gloria a regresa
mesora y a bisa
den direccion di
Hildward cu su
mannan teni na
su ceintura y cu
un cara di banda
lo siguiente: "Ai
no Hildward,
esey no ta dis-
culpa. Lubida.
Esey no tin nada
di haci cu pun-
tualidad." Des-
pues di e

palabra ey nan tur dos a cai den harimento. Un harimento cu a cubri e sala cu e imagen di un pareha cubri pa felicidad y amor. "Ai, "Hildward a bolbe tuma palabra, mientras cu Gloria a keda dirigi su miradanan directamente den e wowonan di Hildward, "mi ta kere cu Gloria talvez tin razon. Enverdad, mi puntualidad ta laga un poco di desea. Casi nunca mi no ta yega na e ora cu Gloria ta desea di mi persona." Un momento," Gloria cayendo den e combersacion a bisa, "no talvez mi tin razon, pero ta asina ta. Bo sa, mi no por comprende te ainda, ta con Hildward ta haci, pa e por cumpli cu su debernan artistico. No," Gloria sacudiendo su cabez a bisa, "pa mi te ainda esaki ta algo incomprendible. Ora mi mester bisa Hildward, pa e yega cas serca mi seis or punto

FABRICA NA ARUBA
SUPERIOR TOBACCO CO. N.V.



DI NOS E TA



L.G. Smith Blvd. 106

Tel.: 25514/25638

FOR:

- MARTIN SENOUR PAINTS
- All kinds of HYDRAULIC HOSES
- ENGINE PARTS
- CHASSIS PARTS
- BATTERIES

We stock for all vehicles made in the U.S.A. Europe and Far East

cero-cero, seis or y mey tranquil e ta cana kibra manera nada no a pasa. Ai Hildward ta puntual!" Gloria cu un tono bofonante a bisa. Pero Hildward no a preocupa su mes loque Gloria ta bisando y a cai den e combersacion: "Tende, mi ta conoci como un persona pasivo cu ta tuma tur cos cu calma y cu tur mi tempo. Pero ora mi ta trahando ta algo otro. Bo a comprende mi? Pasobra e ora ey, mi mester cumpli cu deber di mi trabou. Pero e asunto pa bishita Gloria no ta un trabou, Ademas mi no ta mira nada malo den esaki pa yega algun minuut laat serca Gloria." Gloria a tene su mannan dilanti su boca y a bisa: "Ai, tende kico e tin pa disculpa! Pero laga nos cambia di combersacion," Gloria a bisa. Un hari a aparece ariba cara di Hildward tras di lomba di Gloria. E por a logra convence Gloria. "Pero no worry," Gloria a bisa, " paso pa

paso y cu calma y di un manera pasivo sinembargo Hildward ta yega serca mi toch na mi cas. Pero den futuro mi lo percura pa Hildward por ta un persona di puntualidad. Y mi sa cu mi lo logra," Gloria a bisa cu un tono di confianza.

"Con?" Hildward a reacciona ariba pregunta di Revista Boulevard. Cu nos ta kere den casamento? Y cuanto yiu nos lo kier tin?" pa un momento Hildward a mira na Gloria y despues a contesta lo siguiente: "Claro cu si. Casamento ta un traduccion. Pero por lo pronto, nos ta spera te ora cu e fecha apropia yega."

Gloria: "Mi deseo ta pa nos por yega na haya dos yiu. Un mucha muher y un mucha homber. Esey ta parece mi algo fantastico. Bo tambe no ta di acuerdo cu mi Hildward?." Hildward a knik cu su cabez y a bisa:

"Den mi bida, mi por a goza di e oportunidad pa studia den exterior, y haci mi mes profesional den mi ramo. Ademas suerte por a toca mi persona, di por a traha cu gruponan musical di fama internacional. Pesey mi ta desea di corazon, pa Gloria tambe por termina su estudio cu exito. Pasobra un estudio ta algo di valor pa den futuro. Y ora ta asina leu cu Gloria, nos lo tuma e pasonan necesario pa por uni pa semper," Hildward a bisa cu un tono bon comprensible.

Entre e cantidad di premionan cu Gloria kende actualmente ta actuando cu e grupo musical "Oreo", tin un disco di oro ta luci.

Hildward: "E disco di oro ey, ta un regalo cu mi a trece pa Gloria, na December ultimo, cu mi a cumpra durante un gira cu nos ta tin na merca, unda cu nos a toca na "Universal Studio" na Hollywood.

**Visit
the
Colonel**

**Bring it
on home!**



**It's "finger
lickin' good"**

Kentucky Fried Chicken.

KENTUCKY FRIED CHICKEN

**at
Hendrikstraat
24
call 23447**

**Opened daily from
11'o clock a.m.
On weekends until 1'o clock a.m.**

Mi a trece e disco ey pa Gloria, cual disco ta carga number di e cancion "Manangial" cu mi a composita pa Gloria, pa e por a participa den "Festival di OTI" aña pasa. Gloria no a triunfa den e festival, pero sinembargo pa mi si, Gloria merece e premio ey." Hildward kier a sigui papia, pero Gloria a cai den e conversacion y a bisa lo siguiente: "Mira, si bo ripara bon den mi cas, bo ta mira hopi trofeo cu mi a logra di haya. Pero den tur e premionan cu mi tin, e disco di oro ey ta esun di mas valioso pa mi persona. Mi no a triunfa y no a bende ningun copia di e disco ey. Sinembargo cu e premio ey cu mi a haya serca Hildward, mi a logra triunfa te den profundo di mi corazon. Con? Cu mi ta haci falta di Hildward ora e ta haciendo un gira musical? Claro cu si, cu mi ta haciendo su hopi falta mes, ora cu e ta trahando pafor di Aruba. Pero kico haci mas," Gloria hisando su schouder a bisa. E mester cumpli cu su deber. Pero di otro manera, toch nos ta keda den contacto cu otro pa medio di telefon. Pero mi tin un cassette cu mi a haya regalo for di Hildward di "Juan Luis Guerra y su 4.40", cu nan a graba durante un actuacion bibo, y mi ta toca esey tur anochi den mi camber. Ademá mi tin hopi recuerdo di Hildward den

PANADERIA y PASTELERIA ESTRELLA

**Pan ta salud pa come.
Pesey cumpra pan
di
PANADERIA ESTRELLA
pa un mihor salud**

Sta Cruz 252 - Tel: 28420



mi camber. Y promer cu mi bai drumi mi mester sunchi un di e potretnan di Hildward. "Si," Hildward a interumpi Gloria, "y ora cu Gloria sunchi mi potret, pa leu cu mi por ta, mi ta sinti con su sunchi ta klap," Hildward a bisa cu un hari ariba su cara. "Gloria a pasa su lipnan ariba otro y despues a bisa lo siguiente: "Akinan bo por ripara, loque cu Hildward a bisa, cu mi sunchinan di tur manera tin su valor." Hildward a hari pa loque Gloria a bisa. Pa un momento Hildward a sera su wowonan y despues a bisa: "Stima otro y sinembargo leu for di otro. Pero nos amor pa otro ta asina fuerte, cu no tin nada

pa kibra esaki den e mundo aki." Gloria pa un rato a mantene su rosea aden y despues a bisa: "Bo sa, tin hende cu talvez ta trata pa pone un muraya entre mi persona y Hildward, pero envano," Gloria a bisa mientras cu su man ta cariciando e man di Hildward. "Pero bo por kere mi palabra, pasobra ni cuanto obstaculo cu nan ta haci pa kibra nos amor, hamas y nunca nan lo por logra pa separa nos for di otro. Nos amor ta pa eternidad ademá un amor oficial. Hildward ta e strea cu ta alumbrá mi corazon pa awe, mayan y pa semper."

PALM BEACH SUPERMARKET

- Tur clase di comestible di alta calidad.
- Beleg geslice bo dilanti
- Tur clase di liquor
- Departamento di Paña
- Cosmetica y tur articulo cu bo'n ta pensa

Pa Aruba completo y pueblo di Noord.

Palm Beach Noord 37

Tel.: 61189

